

Johann Simonius


**EPITHALAMIVM || Illustrißimis Sponsis:|| Illustrissimo principi ac Do-||mino,
Dno.|| ADAMO WENZESLAO,|| Duci in Silesia Teschinensi &c.|| & || ... Dnae.||
ELISABETHAE || Natae in Livonia Curlandiae et Semi-||galliae Principi etc ||
Scriptum || à || JOANNE SIMONIO || Poëseos in Acad. Rhodopo-||litana
Professore.||**

Rostock: Möllemann, Stephan, 1595

<http://purl.uni-rostock.de/rosdok/ppn1740987888>

Druck Freier  Zugang





100

2806

A. Dd. 6

Heber V-5344

with 4 more //


69-2065 1-30


<nos>

Physiologie des Menschen

- 4 -







EPITHALAMIUM

Illustrissimis Sponsis:

Illustrissimo principi ac Do-
mino, Dno.

ADAMO WENZESLAO,

Duci in Silesia Teschinenli &c.

&

*Illustrissima Principi ac Domi-
na, Dna.*

ELISABETHÆ

*Nata in Livonia Curlandia & Semi-
gallia Principi &c.*

Scriptum

à

JOANNE SIMONIO

*Poëseos in Acad. Rhodopo-
litana Professore.*

ROSTOCHII

Ex Officina Typographica Stephani Myliandri

A N N O

clō 15 VC.



Illustrissimo principi ac Do-
mino, Dno.

ADAMO WENZESLAO,

Duci in Silesia Teschinensi &c.

&

*Illustrissima Principi ac Domi-
na, Dna.*

ELISABETHÆ

*nata in Livonia Curlandia & Semi-
gallia Principi: Sponsis Illustris.*

*Domino & Domina meis
Clementissimis*

Epichalamium
hoc

Submissè reverenterq; offero, dico, confecro

Joannes Simonius.



EPITHALAMIVM.



Ronuba cæruleis liquidum per inane
quadrigis (nitenti
Invehere, & magnis vultu bona Iuno
Sis præsto sponfis! seu te colit Inachus,
oras

Sive habitas nunc Tænarias, veteresq; Mycenas.
Tuq; hymen hymenæe, hymen ades ô Hymenæe!
Varne, quid in gelida tua proluis ostia Balthe,?
Siste pedem placidus, versisq; relabere lymphis,
Perq; caput propera per finitimosq; Batinos,
Marchiacosq; agros, obliquo flumina cursu
Torque in squammigera exultantem gente Viadrum,
Infrâ quâ Viadri primum se tollit aquæ vis.
Namq; miser Varni pulsus spumantis amore,
Varnæ languenti nymphæ tabescit amore.
Nec quicquam fluvij excepti, fontesq; perennes
Correpto profunt, tantis incendia tantis
Viribus insurgunt! tanta est sub flumine flamma!
Nâ quæ Varne tuis fecisti incendia Nymphis,
Hæc Viadro ipse tuis tollas incendia lymphis,
Euphrati & Tanai, Theuthrantæoq; Cayco,
Et Xantho atq; Istro Viadrum fumantibus addes.
Dulcis hymen hymenæe, hymen ades ô hymenæe!
Fallor? an indomitos blandæ Cythereidos ignes
Frigore lymphæ queat sedare, an nymphæ calore?
Dulcis hymen hymenæe, hymen ades ô Hymenæe!
Terra jacet, bellatrici contermina ad Eurum,
Sarmatiæ, medioq; diem quo spectat ab axe,
Titan, Marcomanos lambit, subjecta Polonis (ba,
Quondam. Terra opibusq; & Marte atq; arte super-

Ingenijs dives, Viadroq; interfluo amœna,
 Nunc Aquilæ & Ducibus reliquis de stirpe Pyastis
 Sarmatiæ veterum Regum qui stemma Pyattus,
 Pare. Silesiam fama est dixisse minores
 Quadorum prisco mutato nomine gentis.
 Dulcis hymen hymenæe, hymen ades ô hymenæe!
 Magnanimos inter Quadorum Heroas Adamus,
 Ante annos curamq; gerens animumq; virilem;
 Eminent: ipse etiam deductus sanguine sanguis
 Crufvicio. nam post Lescum geminosq; Populos;
 Sauromatum vertente illo res, scepra Ducesq;
 Vertere qui potis est, & verrere scepra Ducesq;
 Cracouiæ indomitos fasces frenosq; minaces
 Tradebant proceres parva de gente Pyasto,
 At bonitate tamen Rectiq; cupidine magno.
 Non genus aut proavi quondam, non aurea gemmis
 Atria, non fastus, populivè coemta voluntas;
 Sed probitas virtusq; viris spectata modestis
 Emicuit, sceptriq; viros in jura vocabat.
 Inde Pyastides Semovitus Martia rexit
 Agmina Sarmatiæ. is populos & regna subegit
 Vandala, & Arctoas quas Balthe verberat urbes.
 Hujus erat pronepos, falso qui nomine Divûm
 Exploso, primus sacrâ Baptismatis undâ
 Perfusus Regi dedit uni nomina CHRISTO.
 Ergo ejus proli sceptrum sacrumq; tiaram
 Sceptriger imposuit summus: primumq; BOLESLAM
 Regali caput augustum diademate cinctum
 Gnesna vides, OTTONE ipsi imponente coronam.
 Illum continuo Viadrusq; & Bregela & Albis,
 Et Wolga & Moravus gelidæq; Borysthenis undæ
 Tristi senserunt jaculantem fulmina dextrâ.

Alter

Alter ab hoc patrias qui cepit MESCUS habenas,
Huic confors thalami fuit addita Filia Rheni
Richsa Palatini: sanctæ cui munera formæ
Fataq; prudentem dederant cœlestia mentem.
Ipsa viro hortatrix, Aquilam ut reverenter haberet,
Nobiliumq; truces premeret moreq; superbos,
Pulsa odijs regno, gnato comitata, profugit
Clunacum. at Nemesis, Regumq; Dei; seuera,
Contemptorum ultrix, animo meditata nefandam
Vindictam, infernis excivit sedibus Aten,
Sarmaticumq; novis concussit litibus orbem.
Ergo suum Proceres peccatum & numinis iram
Agnoscent. mora non, altum quâ vespere pontum
Sol init, & liquidum quâ rorat ab æthere mane,
Qui regem quærant densi mittuntur. at illi
Solis ab occasu CASIMIRVM, solis ad ortum
Anquirunt, nullis fuit ipse repertus in aulis.
Cœca cuculligerum retinebant limina Regem,
Vnde ipsum extractum, perfusi pectora magnis
Læticijs, cupidi quassata in regna reducunt.
Ipse redux animos distantes pace ligavit:
Et Regno, Regem quæ contra admiffa sciebat,
Condonans delicta sagax, mox publica rerum
Vulnera sanavit. quo tanto principe lætam
Candida Sarmatiam pax prospexit Olympo.
Proximus huic LADISLÂUS patriq; simillimus Heros,
Quiq; domi rem consilio, victricibus armis
Composuit foris, innocuæ pietatis amator,
Et Themidos pollens ardore potentis & æqui.
Filius huius erat DISTORTUS nomine, factis
Impiger, intrepidus sæva ad discrimina dextrâ.
Septimus huic supra denos quater agmine iusto

Pugnatus Mavors. Sed enim Mavorte beatus
 In quantum ille fuit, tantum de laude beatâ
 Subdola decerpfit fraternæ cædis imago.
 Ex quâ funestam rex inclutus, Hercule major
 Contraxit labem, compunctaq; pectora curis.
 Heu fatum infelix! humanos fallere vultus
 Facta hominum possunt, non fallere facta, Tonan-
 At vos ne technas, Reges, audite facetas, (tem.
 Compositosq; dolos, quis justos sæpè maligni
 Deturpant. puram delato gnaviter aurem
 Pellæi exemplo Juvenis servate benigni.
 Regna, domos, urbes, scelerata calumnia solvit,
 Verbera pro verbis fundens, pro melle venenum.
 Est veri studium, quod firmat Regna domosq;
 Atq; urbes, & mortales cœlestibus æquat.
 Fortunâ Patri Natus successit iniqua.
 Qui fratrum invidia patriâ turbatus ab omni
 Post centum casus, post mille pericula tandem
 FRIDRICI soceri, imperij tum colla prementis;
 Ænea cui dederat cognomen barba; labore,
 Redditus est patriæ. quam dum, LAdilaë, retentas,
 Plodecum tibi vitam aufert, temetq; remittit
 Ad veram patriam. Sequeris, MIZLAE, parentem,
 Nam tibi fors, hominum nunc mater, nuncq; noverca,
 Silesiam attribuit, quæ supra est, Sicula tellus
 Te vocat ad lucis tibi debita fata supremæ.
 Sextus ab hoc CASIMIRUS erat; Teschina Bohemo
 Rura Jovi qui accepta refert. hinc ordine quartus
 Descendit, qui Glogoviam Patresq; rebelles,
 Ardentem subitò justamq; erectus in iram
 Obruit & graviter multavit. Stenica furta
 Sanguineasq; domos & pallida regna latronum,
 Fundi-

Funditus evulsit terraq; everit ab ima.
 Hic nato vixit super annos quattuor, atq;
 Ordine naturæ verso successit. at illum
 Posthumus interea exhilarat WENZlaus ADAMus
 Estq; nepos successor avi, gentisq; propago.
 Quem, quando firmata virum jam fecerat ætas,
 SIDONIÆ genitrix sociali foedere junxit:
 Sidoniæ, cûj prisca dedit magnam Angria stirpem.
 Quis genus Afcanidûm nescit, quis neiciat Urlos?
 Virtutesq; virosq; utriusq; & nomina gentis?
 Hinc per avos atavos abavos tritavosq; parentem
 Deducit ZEDENA, viro post fata superstes:
 Sincera Heroïna fide, pietateq; præstans,
 Moribus eximijs rutilans, & prole beata.
 ADAMO WENZESLAO. tanti ergo Parentes,
 Stemmata tanta Ducem hunc Adamum progenuerunt.
 Dulcis hymen hymenæe, hymen ades o hymenæe!
 Tempus erat viridi quo cincta cacumine sylva
 Nigrescit, varioq; iterum pulcherrima flore
 Stat tellus; redeunt genitalia semina rebus,
 Atq; coronatas inter Charitesq; Deamq;
 Idaliam medius tenero pede gramina pulsat
 Candidus in crocea spectandus veste Cupido:
 Quum per sollicitos erraret Adamus aprici
 Carpathij saltus, trepidantia retia Cervis,
 Atq; plagas teretes tendens spumantibus apris,
 Purpureas Aurora fores & plena rosarum,
 Atria vbi primum nitido patefecerat ortu.
 Iamq; operi intentus, quis me gravis occupat, inquit,
 Somnus, quisve Deus fluitantia lumina solvit?
 Nec plura effatus, fatali tarda solutus
 Flavicomos inter Narcissos membra quieti

Demittit

Demittit, Somno svaves afflante vapores.
 Viderat hunc toto proflantem corde soporem
 Aliger, Elyijs quem Mater protulit hortis,
 Et non hoc, dixit, tempus spectacula poscet.
 Dulcis hymen hymenæe, hymen ades ô hymenæe!
 Est cavitas, geminas inter projecta Cerebri
 Parva nates, camerata, vitello haud amplior ovi.
 Huic miras dicunt species includere rerum,
 Spiritibus variè cursantibus, humida postquam
 Vis somni placidâ compressit mole meatus
 Nervorum ac sensus: vix Prothea credideris, se
 Tot formasse modis. namq; hîc modò fingitur ingens
 Armorum sonitus; modò sus; nunc horrida tigris;
 Nunc Draco squamosus, flammæq; per æthera nantes
 Conspersevè manus humano sanguine; quæq;
 Pallida mors animas miseris mortalibus aufert.
 Hâc super AD A M V M Puer astitit, & mea possit
 Quantum ars, experiar, dixit, mox, cornea quâ te
 Porta Dei, veris cincti & fallacibus umbris,
 Effert, hâc roseis labijs & nobile formâ
 Idolum; simile os humerosq; oculosq; coloremq;
 ELSÆ, quam magno peperit Dux Anna Gothardo;
 Immittit, stimulosq; addit. simulatq;, Curonum
 Hæce t̄ Diva, Megalburgâm quam detinet aula,
 Auribus AD A MI deponit, & ustulat ægrum.
 Nec prius absistit, quàm ferro parvus acuto,
 Quale Puer quondam ventoso in Apolline fixit,
 Læsisset Juvenis trajecta per ossa medullas.
 Dulcis hymen hymenæe, hymen ades ô hymenæe!
 Obstupuit visæ correptus imagine formæ
 ADAMUS, corpusq; putat vidisse, quod umbra est.
 Nec satis est vidisse semel, sed fixus in uno

Vultu

Vultu hæret, Pario ceu factum è marmore signum.
Miraturq; genas roseas, & Apolline crines,
Dignosq; Idalia digitos & eburnea colla.
Jamq; juvat conferre pedem, jamq; irrita fronti
Oscula & ambiguo circum dare brachia collo.
Ter conatus erat fallacem apprehendere formam,
Ter conatus erat, ter imago ficta refugit,
Et portâ, unde datur veracibus exitus umbris
Exijt. Excutitur somno WENZLAVS & imo
Corde premens umbram sic alta silentia rumpit:
Quæ maneant tandem me cunq; insomnia, flammâs
Experior molles, & hiat cor vulnere grandi.
Vulnera sunt incussa mihi, nec Amazones ista
Vulnera fecerunt. Utinam sed Amazones ista
Vulnera fecissent! Puer est. at quis Puer? arma
Qui gerit, & ferit antè armis, quàm providus hostem,
Quis videat. Puer assiduis qui mobilis alis
Corda volare facit, cœco quæ læserit arcu.
Utq; orbem lædat, toto volat impiger orbe.
Quomodo sed posthac toto Puer orbe volabit,
In me letiferas tandem qui perdidit alas?
Ille meo vigil excedet de pectore nusquam.
Et geret assiduum nostro cum sanguine bellum.
Cæsariana cohors tot non assultibus Istrum,
Argolicusvè aries concussit moenia Trojæ.
O, stultos, Regina Gnidi, quæ dirigis ignes,
Sit mihi fas licito peccasse cupidine! si quid
Peccârit, licitis metis qui claudit amorem.
Quæq; JOVES, Erycina potens, divosq; Supernos
Quæq; feras domuisse vales, domita ELISABETHAM:
ELISABEN properè domita. fac ignibus æquis
Urat me, quæ me non æquis ignibus urit.

B

Tuq;

Tuq; caput carum, rosa, purpura, regia Virgo,
ELISABETHA, hospes magni nunc incluta VArni,
Ulterius nunquid placito pugnabis amori?
Desine. res gravis est placito pugnasse calori.
Desine, quid veneri armatae pugnabis inermis?
Martembella decent. furtivos asper ad ictus
Decubuit Veneris Mavors. verum quid inermem
Te voco? quam rerum alma parens dulcedine formae
Armavit melius, truculentum ac ungue Leonem?
Nam quid ego memorem quos vidi vertice crines?
Crines? non crines. adamantina vincula crines,
Quis me constringis Dea fortius, Andromeden quam
Impius ad duras cautes religaverat Ammon.
Blandula candidulo quae splendet ab ore venustas
Est jecori funesta meo. sunt spicula, labella:
Flammeolum flamma est: sunt lumina fulmina: fulmen
ELISABETHA oculis vibras, quod corpore salvo
Cor liquat, integris exhauritq; ossa medullis.
Vicisti, hoc habeo: ferrum submitto: manus do:
Tu modo nos contra verso ne pollice laevi.
Dulcis hymen hymenae, hymen ades o hymenae!
Finierat juvenis. sed non tamen ille calorem
Finierat. petit interea Cytheræis Hypæpas,
Hic ubi Mæonio pronatae sanguine neptes,
Pectinis ingenium exercent, & stamine docto
Virgatum Tyrijs impellunt vestibibus aurum,
Artificiq; manu chlamydes & pallia pingunt.
Harum vnam, suos & acus quae LEda regebat,
Alloquitur Cytheræa: soror, si numina fas est
Humanos mulcere animos prece supplice, supplex
Te pallam posco signis auroq; rigentem,
ELISABÆ, reginae atavis quæ regia surgunt,
Cornua

Cornua Bucephali: quæq; est patre Martia Princeps
 Stirpis, vivacem Cervumq; Alcenq; gerentis.
 Dixerat. atq; comis divum spirabat odorem,
 Et vultu atq; oculis Dea Cypris vera patebat.
 Obstupuere Deâ visâ, fatumq; subibat.
 Idmonias neptes aviæ. sed Leda timore,
 Excusso paucis contrâ hæc pudibunda profatur:
 O quæcunq; Dea es, tuus explorare quid optes
 Nonnè labor? nobis te spernere nonnè piaculum?
 Idmonijs manibus picta jam parte superstes
 Stamen erat, grande aulæum, Iovis aula domusq;:
 Veram aulam verasq; domos ac regna putares.
 Namq; ibi per Geminos haud rectâ perq; sagittam,
 Deductus circus lactis candore perenni
 Albus erat. senis bis partibus hîc, Capricorno,
 Et Libra, & Tauro, & Geminis, & Virgine, & Urna,
 Atq; his oppositis, obliquo Baltheus orbe,
 Cælato insignem faciebat lumine mundum.
 Proximaq; huic ingens, æquo libramine vtrîsq;
 Spira polis distans totum cingebat Olympum.
 Tum per Lanigeri currebat perq; Bilancis
 Principium Limes, primam partitus eisdem
 Mensuram punctis; obliquis, signa ferentem.
 Iamq; operi instabant acres. emerferat Vrsæ
 Cum pedibus cervix primis, pollexq; flagrante m.
 Strinxerat ore canem & clavum signaverat Argûs:
 Tollite cuncta, inquit, coeptasq; hinc tollite telas,
 Idmonia neptes, Divæq; advertite mentem.
 Præcipitate moras. tantumq; effata. sed illæ
 Protinus incubuere omnes, operumq; laborem
 Sortitæ pariter informant vndiq; pallam.
 Pars gracili Tyrias intendunt stamine telas.

Assyrias pars armat acus, pars licia præbet,
Omnigenis infecta modis, fert illa metallum,
Ductile Dalmaticum Phrygias hæc porrigit umbras.
Fervet opus, cinctæq; omnes ad pectora vestes
Utuntur manibus rapidis, cunctamq; ministram,
Pertentant artem, designat Leda laborem.
Dulcis hymen hymenæe, hymen ades ô hymenæe!
Septima jam surgens revehebat lumina Titan,
Extremas cum palla manus sentiret, at illam
Imbuit extemplo ambrosio Venus aurea succo,
Quo furiare solet Divoq; hominesq; JOVEMq;
Et noti simul induitur faciemq; comamq;
Mercurij, penetratq; per omnia tela viarum,
Inq; Herulis tandem Dea candida constitit oris,
Quâ se Gustrovij præcella palatia tollunt,
Dona ferens, utq; ELISABEN in valle reducta,
Inter Hamadryadas versantem fortè Sorores
Vidit: ab Alphaa missus tibi nuncius aula
Adsum, inquit: magni gratissima cura Tonantis,
Deliciæ matris, fratrumq; amor ELISABETHA!
Promissam vestem, promissaq; munera portans,
Dixerat, ELISABE matris mirabile donum
Miraturq;, interq; manus & brachia versat,
Illa oculos nequit expleri ardescitq; tuendo
Insignem pallam & non enarrabile textum,
Illic Bucephali longo ordine scepra videres
Crescere, Pellæo deductam tempore gentem;
Antyrios, centumq; Duces, centumq; Dynastas,
Quemq; sua inscriptum facie, spectasse LEONEM
Hic erat, ingenti PRIMLAUM clade domantem,
Atq; ipsum Christi cogentem vincla subire,
Ille jugum constans suffert, iterumq; returgunt,
Mœnia.


Mœnia Megapoles, collapsaq; castra Rosarum.
Nec procul hinc pronepos Primi Jai Janus in urbe,
Sequanidum, doctusq; Dei & pietatis amorem,
Supremosq; ferens sacri Doctõris honores
Vilitur. hinc prisca flagrantem religione,
HENRICUM, & studio accensum sacrae urbis & orbis;
Urbs Christi mortis, factorum conscius orbis
Mancipat ad feros laqueos & vincla Canopi.
Unde ipsum quintum post lustrum torrida Memphis
Eximit, exentum rursus rapuere feroces
Piratae. tandem Cyprus tamen excipit illum,
Atq; larem ad patriam Malsylia docta remittit.
Stabat & hinc patri natus cognominis, heros
Ore, Leo factis pietate fideq; verendus,
Illum indignantemq; & circum castra frementem
Aspiceres, Cimbro forti dum Marte Rosetum
Eripit. Haud procul hinc Pragam gestire videres,
ALBERTOQUE, Ducum imperij quem CAROLUS albo
Intulerat, lætam Pæstanos spargere flores.
Ibat ovans animis ipsus binosq; catenis
Constrictos Gryphos, & grandi torque decorum
Quadrupedem & niveo insignem candore trahebat.
Hinc exultantem Magnum, roseaq; corona
Ornatum frontem, Musisq; & Apolline cinctum
Cernere erat. patris quem parvula Neptis ocellis
Aspicit Anna. illam stant circum cœrula Dwinæ
Littora & irrigui Saltus properantis Aboæ,
Ac pubescenti flores & lilia ipargunt.
Talia per pallam generosæ dona Parentis
Miratur, Venerisq; dolorum nescia versat,
Quoq; magis versat, tantò magis æstuat igne.
Quisq; ait hic Deus est ignotus, nostra calenti


Pectora qui igne rotat. simul & nota tecta reuisit.
Dulcis hymen Hymenæe, hymen ades ô hymenæe!
Heruleam interea diffundit fama per aulam,
Carpathijs venisse jugis, qui foedere lecti
ELISABEN poscat socio, sacrosq; hymenæos
Discupiat. vah ignotus per membra quid ardor,
Auguror, iste velit, virgo inquit. pronuba Juno
Da signum, flammamq; istam bona dirige nostram!
Vix ea. Jamq; pedes altæ generosus Adamus
Intulerat domui: cœlo ruit ecce hymenæus
ELISABENq; Hymen jampridem mutua corde,
Vulnera anhelantem, generoso spondet ADAMO.
Salvete illustres animæ! non hispidus imber,
Totvè Austri, Balthen sœvis vexare procellis
Haud veriti toties, nec hyems, nec frigora, vestros
Solvere, nec duri Thraces, potuère calores.
Ergo felici jam vobis omine tedæ
Affulgent, quinq; sui quæ basia parte,
Perfudit Cytherea, Hymen dat basia vobis
Pangere. mox etiam non tantum basia. sed tu
Sponse, licet properes, cursum moderare, beatum
Diuide, sponse, diem, tu gaudia noctis habebis
Solus. sponse, diem cum illis, quos venit ad omnes
Læticiæ sensus vestræ, partire, tuoq;
Qui gaudent thalamo! viden' vt generosa virûm vis
Se ferat, & circum stans tædas turbine denso
Ingeminet plausus, & plausu personet aula?
Parte vna Heruleus stat princeps, tempora lauro
Victrici incinctus, manibus dans lilia plenis.
Aspice, quantus honos frontis! quæ grata severis
Fulguret ex oculis gravitas! quæ gratia canis
VLRICI interfusa genis! Diû pectora tanta.


Huncq;

Huncq; Patrem patriæ feros seruetis in annos.
 Ponè tubit leni cum Maiestate decora
 ANna Socrus, soror ULRici, & secum agmina ducit
 Virginea, & castas veneres. illæ ecce sonantem
 Alterno terram quatunt pedes; qualè per herbas
 Nymphis juncta choros sub lunam Cypria ducit.
 Stant & magnanimi Juvenes, magni incluta proles
 GOTTardi: decus Euumies, par nobile Fratrum,
 FRIdricusq; & GVILhelmus. quantum instar in ipsis,
 Supra annos, Ducibus! quàm conspiravit amico
 Fœdere cum molli Gravitas matura iuventa!
 Hos inter medios se fert amor ËLISABETHA
 Ille tuus, niveo Latonæ blandior igne,
 Pulcrior auricomâ stellâ, WENZlæ, Diones:
 Cui facies cultum decorat, facieq; venusta
 Pulcrior est animus pulcroq; in corpore virtus.
 Salvete illustres animæ! vobis Hymenæus
 Ecce nuces spargit maturus. tollite discos,
 Iamq; columbatim committite labra labelli s.
 Salvete illustres animæ! bona Pronuba faxit
 Teschiniâ nonam post lunam parvulus aulâ
 Vagiat ADAmus, proavos præstantibus ausis
 Qui referat, magnaq; æquet virtute parentes.
 Quem Thrax formidet crescentem: quem horreat Ister
 Lorica tectum triplici, clypeoq; coruscum.
 Interea, illustres animæ, placidissima vestrum
 Coniugium canos Concordia seruet in annos:
 Annorum donec saturos lux transferat una
 Vos ad odoratos campos, vbi perpetuum ver
 Permixon divis agitant Heroes, & inter
 Purpureasq; rosas & flavicomos narcissos
 Illudunt violis, alternaq; carmina pangunt.


Celebrantur Nuptie Teschinij XVII. VIIbr. Anno 1595.







In squallor
Lug
Ante alios
Ex t
Precipue
O cæt
Namq lic
Contr
Iam tamen
Assia
Crediderim
Adspi
Nati, qui,
Nomi
Sed quoq c
Cunct
Non pote er
Natu
Abstineat,
Tanqu
Quid referat
Qui P
Atq, mihi h
Visus es
Attamen ha
Heu qu



bro se quisq, peremptum
ata! perciti amaritie:
par, VLRICE, Sororum
os mentis inopsq, obitu;
hæbi mysta Caseli,
unice Palladii.
septum noxia pectus
utriusq, siet:
pressum nube doloris,
fleu habuisse genas
ultim cum flebile corpus
am feretro impositum,
d te Patrio donarat
utrà tibi carus erat:
lli in vultum serpere tabes,
veneno inficere occiperet.
t, matris, ut, insita quisquis
semina, cordolio
os cadere in maturâ,
lilia falce, videt.
e sient hæc funera cunctis,
ut nomina & Anisim?
amq, ut tibi tempore nullo
VLRICE, mihi fueris:
ad luctû servire, Parentis
ui cum mihi prælegeret

Scripta